

BOITHUTO BA BIBELE III

Lenane-thuto

Notes

—

THUTO EA #1:

- I. Selelekela sa Thuto
- II. Motheo le Likarolo tsa Malakiea.
- III. Karolo #1: Mal 1:1-5.

THUTO EA #2:

- III. Karolo #1: (nts'etso-pele.)
- IV. Karolo #2: Mal 1:6-14.

THUTO EA #3:

- IV. Karolo #2: (nts'etso-pele.)

THUTO EA #4:

- IV. Karolo #2: (nts'etso-pele.)
- V. Karolo #3: Mal 2:1-9.

THUTO EA #5:

- V. Karolo #3: (nts'etso-pele.)
- VI. Karolo #4: Mal 2:10-16.
Tlhahlobo.

BOITHUTO BA BIBELE III

Notes

Tlhahlobo

Lithuto tsa “Boithuto bo Batsi ba tse kahare ho Bibeletse”, ha li na litlhahlobo joaloka lithuto tse ling. Hantle-ntle, nako ea litlhahlobo, e sebelisoa ho etsa “Boithuto ba Bibeletse.”

Thuto ena ea pele ea “Ts’ebeliso ea Boithuto ba Bibeletse”, e tsoelapele ho shabana haholo le litemoho tse malebana le se ngoliloeng, le lipotso tse hlahisang botoloki le tsona li ea hlokoa. Moithuti o fua seratsoana ka Bibeleng, e be o sebelisa nako ea litlhahlobo ho ithuta ka botebo seratsoana seo, ‘me a hahe maikutlo a hae malebana le seo a se hlokomelang seratsoaneng. Moithuti a ka a ba le litlhokomelo tse nagata ho ea kamoo nako e molumellang ka teng, empa o lokela ho nehelana ka tse leshome tsa bohlokoa-hlokoa. Litlhokomelo tsena tse Leshome, li ts’oauoa le ho beheloa limaraka ho ipapisitsoe le bohlokoa, botebo, ho hlaka, jj.

BOITHUTO BA BIBELE III

Selelekela sa Thuto:

Notes —

Motheo oa Lithuto:

Selelekela sa Boithuto bo ka Sebetsang ba Bibe ba I le II.

Ena ke karolo ea boraro ea Boithuto ba Bibe, e latelang Selelekela sa Boithuto ba Bibe. Lithuto tsa karolo ena li ipapisa le lintlha tse ileng tsa rutoa thutong ea Selelekela.

Re tla sebelisa kutloisiso ea mathomo ea Boithuto ba Bibe ho ithuta buka ea Malakiea. Re se re entse boithuto bukeng ea Bafilipi ka tseo re ithutileng tsona Selelekeleng, kahoo, re rata ho tsoelapele ho ithuta le ho akofisa Boithuto ba Rona ba Bibe.

Boemong bona, ho ka ba bohlokoa ho etsa boikhopotso ba selelekela thutong ea “Selelekela sa Boithuto ba Bibe.”

Popeho ea thuto ena.

Re tla ithuta Malakiea 1:1-2:16. Ho tla ba le likarolo tse ‘ne:

- 1) Sehlooho le tlhophiso (1:1-5).
- 2) Sebe sa Baprista (1:6-14).
- 3) Khalemo le kahlolo ea Baprista (2:1-9).
- 4) Ho se ts’epahale le boikaketsi ba batho (2:10-16).

Karolo ka ngoe e tla ba le likaroloana tse tharo tsa boithuto:

- 1) Boithuto ba Khaeho kapa Tlhophiseho (hona ho tla kenyeletsa ts’ebetso e tla re tlosa ho temoho ho ea ho botoloki ho ea ho kamahanyo).

Karolong ena ea thuto re tla shebana haholo le botoloki, re lumelle bolokolohi (ho feta lithutong tse fetileng) ba ho tsoela kantle ho buka ea Malakiea ho araba lipotso tsa rona tsa botoloki.

Re tla etsa boithuto ba Mantsoe (ha ho hlokeha) karolong ena.

(tsoelapele leqepheng le latelang)

BOITHUTO BA BIBELE III

Notes

- 2) Lintlha tsa khaeho kapa tsa Tlhophiseho (re tla akaretsa thello ea likamano pakeng tsa karolo ka ngoe).
- 3) Qetello (hona ho tla kenyeletsa: lintlha tse qetellang; polelo e akaretsang serapa kaofela; le sehlooho sa mantsoe a 'maloana a ts'oereng moelelo oa serapa).

***hlokomela: re tla sebelisa li-Bibele tsohle tsa Sesotho.

II. Motheo le Likarolo tsa Malakiea.

A. Lethathamo-kakaretso la Malakiea.

Lethathamo-kakaretso le latelang, la Malakiea, le sebelisitsoe ho hlophisa likarolo tsa thuto ena le likarolo tsa “Boithuto ba Bibele IV”:

1. Sehlooho le tlhophiso (Mal 1:1-5).
2. Ho se ts'epahale le boikaketsi ba Israele, li ea khalengoa (Mal 1:6-2:16).
 - a. Ho se ts'epahale le boikaketsi ba Baprista (Mal 1:6-2:9).
 - 1) Sebe sa Baprista (Mal 1:6-14).
 - 2) Khalemo le kahlolo ea Baprista (Mal 2:1-9).
 - b. Ho se ts'epahale le boikaketsi ba sechaba (Mal 2:10-16).
3. Ho tla ha Morena ho a phatlalatsoa (Mal 2:17-4:6).
 - a. Sepheo sa ho tla ha hae: ho hloekisa (Mal 2:17-3:6).
 - b. Karabelo e nepahetseng malebana le ho tla ha hae: ho baka (Mal 3:7-4:3).
 - c. Tsebisano ea semolao (Mal 4:4-6).

BOITHUTO BA BIBELE III

B. Theheho ea Buka ea Malakiea.

Notes

1. Theheho ea Boemo.

- a. Buka ea Malakiea e bonts'a lerato leo Molimo a ratang sechaba sa hae ka lona, le ha bona ba sa le ananele kapa ho le arabela.
- b. Linako tsa boima bakeng sa sechaba sa Israele, li ile tsa ba etsa hore ba furalle Molimo. Mathata a bona a maholo, e ne e le ho nyahama le ho hloka mamello. Tebello le bonnete e ne le lintho tse peli tse fapaneng.
 - 1) Kamor'a ho feta ha kholeho, sechaba sa Israele se ile sa qala ho sheba ka tebello lits'episo tse ileng tsa etsoa ke baprofeta ba pele ka Mesia.
 - a) Ho tla ba le ntlafalo le peho e ntle bakeng sa lefats'e la bona (Ese 34:26-30).
 - b) Bophelo ba sechaba bo tla ntlafala (Esa 54:1-3).
 - c) Naha ea bona e tla ntlafala (Jer 23:5, 6).
 - d) Lefats'e lohle le tla ntlafala (Is 49:22, 23).
 - 2) Leha ho le joalo, seo ba se bonang ka nako eo se ne se sa lumellane le litebello tseo. Ho feta moo ho ne ho na le:
 - a) Kolua/seoa (Mal 3:10).
 - b) Puso ea Baperesia (Mal 1:8).
 - c) Le phokolo e kholo sechabeng sa Israele.

BOITHUTO BA BIBELE III

Notes

—

2. Histori.

- a. Buka ena e ngotsoe ka bo- 460 B.C.
- b. Kholeho ea Bajuda e neng e le Babilona, e neng e qalile ka 586 e ne e fetile ka lilemo tse 75.
 - 1) Tempele e ne e se e hahilo. Mahlabelo a ne a etsoa.
 - 2) Molao o ne o tsejoa (joalokaha o ne o rutoa ke Esera).
- c. E ne e le nako ea ho leta le ho ema bakeng sa sechaba sa Molimo, ho fapana le nako ea phethoho e kholo.
- d. Baedomo ba ne ba futuhela Bajuda ka matla ho tloha nakong ea ho oa ha bona ka 586 B.C.

BOITHUTO BA BIBELE III

III. Karolo #1: Sehlooho le Tlhophiso (1:1-5).

Notes

—

A. Boithuto ba Khaeho le tlhophiseho ea karolo ea #1.

1. Temana ea 1.

a. Temana ena ke sehlooho sa buka.

b. E arabela lipotso tse tharo.

1) Popeho le khaeho ea buka?

a) Ke **“MOLAETSA OA LENTSOE LA MORENA.”**

b) **“Molaetsa” oo o bolela eng?**

(1) Hangata lentsoe la Seheberu bakeng sa **“MOLAETSA”** le ne le supa ketsahalo e kotsi, kapa boemo bo tlang bo seng monate. E ka hlaloso e le **“MOJARO O BOIMA”**. Lentsoe lena le sebelisitsoe makhetlo a 27 Testamnteng ea Khale. Makhetlong a 25 a ts’ebeliso ea lona, a bonts’a boemo ba kahlolo e ntlang.

(2) Ha re kopanya **“MOLAETSA”** le **“LENTSOE”** re ka bapisa Sakaria 9:1 le 12:1 re bona ponts’o ea kotsi ea kahlolo e tlang.

BOITHUTO BA BIBELE III

Notes

2) Baamoheli ba buka ee ke bo mang?

a) E ngoletsoe Baisraele.

b) **Israeleng ho kenyeletsoa mang?**

(1) Nakong eo Malakiea e neng e ngoloa, ho ne ho se ho fetile meloko e mengata ho lekana hoo phapang ea Israele le Juda e neng e fela. Meloko e leshome ea Leboea (eo ha ngata e neng e bitsoa Israele) e ne e qala ho lahlehelo a ke boleng ba bona.

(2) Ba ne ba le kholehong Asiria, ‘me ba ne ba se ntse ba nyallana le batho ba lichaba tseo. Hona hamorao, ho ile a ha hlahisa mofuta oa batho ba tsejoang e le Basamaria. Kahoo, kajeno “Israele” e sebelisoa (joalokaha e ne ntse e sebelisoa khale) e le lebitso le bonts’ang sechaba sa Bajuda.

3) Buka e ngotsoe ke mang?

a) E ngotsoe ke Malakiea.

b) **Malakiea eena ke mang?**

(1) Malakiea ke Moprofeta oa Testamente ea Khale.

(2) Lentsoe “**MALAKIEA**” le bolela “**MORUMUOA OA KA.**”

2. Temana ea 2.

a. Hang-hang re elelloa mokhoa oa boprofeta (“ho rialo Morena”).

b. Re boetse re bona mofuta oa mongolo o sebelisoang kahar’a buka eohle ea Malakiea (“empa le re”; e lateloang ke potso ea pelaelo; e be ho latela karabelo e tsoang ho Morena).

BOITHUTO BA BIBELE III

- c. Re boetse re elelloa hore mantsoe a morena a pele ke hore **“KE LE RATILE”** (hlokomela hore nako ea bophetheho ts’ebelising ea puo, e supa hore o ba ratile pele, ‘me o ntse a ba rata le motsotsong oa joale). Mantsoe ana a hlophisetsa mobali hore a utloe ka botlalo litaba tse latelang tsa buka.
- 1) Molimo oa bua.
 - 2) Batho ba hae ba bua le ho etsa lintho tse fapaneng le seo a se buang.
 - 3) Lentsoe **“EMPA”** le ts’oaea qaleho ea phapano ena.
 - a) Molimo o bolella sechaba sa hae hore o oa ba rata, **“EMPA”** boits’oaro ba bona bo supa hore ha ba lumele seo.
 - b) Lipolelo tsa Molimo li fapane le tsa sechaba sa hae. hona ke ntho eo re tla e bona bukeng ka kakaretso.
- d. Ha Molimo a arabela pelaelo ea bona, re boetse re bona phapano e ngoe (hlokomela lentsoe **“LEHA HO LE JOALO”**).
- 1) Phapano e pakeng tsa Jakobo le Esau, ‘me e sebelisoa ho bonts’a lentsoe la Molimo bakeng sa Israele.
 - 2) Phapang ena e ba matla haholo ha re bile re elelloa hore Esau e ne e se ngoanabo Jakobo feela, ebile e ne e le lefahla la hae le neng le le leholo. Mona re bona ts’ebeliso ea nyenyefatso ho tiisa/hlakisa ntlha.
- e. Karolo ea khathatso ea temana ena, ke hore re ke ke ra hana hore Molimo o sebelisa ntlha ea kamano ho netefatsa lerato la hae bakeng sa Israele. Ha ho lipallo kapa mokhoa oo Molimo a khethang ka oona. Re mpa re bala: **“KE RATILE JAKOBO.”**

Notes

—

BOITHUTO BA BIBELE III

Notes

f. Na Molimo o ratile (o khethile) Jakobo, ho ena le ho rata Esau?

- 1) Pele ha re ke re boneng hore na lintlha tse amang “ho rata” le “ho khetha” li amana joang. Bala Deutr 7:6, 7. Hlokomela ho re na temaneng ea 7 “**A ILENG A LE RATA**” le “**ME A LE KHETHA**” li sebelisoa ka phetholelano joang.
- 2) Taba ea bobeli ke hore, re tlameha ho hlakeloa hore Molimo ha a khetha Israele hobane hona le ntho e khethehileng eo ba neng ba e entse kapa hobane boleng ba bona bo le boholo ho feta ba bang. Empa o ba khethile ka mabaka ana:
 - a) Hobane a ba rata (Deutr 7:8), hape (ho bohlokoa ho elelloa lentsoe lena).
 - b) Hobane a ne a batla ho boloka selekane sa hae le Abrahama (Deutr 7:8).
- 3) Ntlha ea boraro ke hore, re tlameha ho hlokomela lintlha tse fumanehang kahar’a selekane sa Abrahama. Bala Gen 12:1-3. Hlokomela likarolo tse peli tsa selekane. Karolo e ngoe e shabana le kamoo Molimo a tla hlohonolofatsa Abrahama ka teng. Ha karolo ea bobeli e bua kamoo Abrahama e tla ba tlhohonolofatso ho lichaba tse ling ka teng (hopola hore Esau e ne e le e mong oa lichaba tsena).
 - a) Abrahama o ne a sa khethoa hore lichaba tse ling li koalloe ka ntle. Molimo ha a khetha Abrahama e le ho qhela lichaba tse ling. O khethile Abrahama molemong oa ho kenyeletsa lichaba tse ling.

BOITHUTO BA BIBELE III

b) Ha Molimo a re o ratile (khethile) Jakobo, hoo ha ho bolele hore o nena Esau. Hona ho bolela hore ha a khetha Esau. Leha ho le joalo, Esau ha a qheleloe ntle. O tla kenyeletsoa ho ipapisitsoe le lebaka leo Israele a khethiloeng ka baka la lona. E leng hore, Esau le eena o kenyelelitsoe ho ipapisoa le morero oa Molimo oa ho fihlella lefats'e ka ho khetha Israele.

(1) Taba ea ho khethoa ha e ea lokela ho utloisisoa ho ipapisitsoe le ho nena kapa ho qhelela ba bang ntle. E lokela ho utloisisoa ho ikamahangoa le ho kenyeletsa ba bang.

(2) Re lokela ho etsa tlhakisiso boikarabellong ba ho khethoa ho feta monyetleng oa ho khethoa. Maikutlo ana, ke oona mooko-tabo oa buka ea Malakiea.

3. Temana ea 3.

a. Temana ena e amana le ho tloha *kakaretsong* ho ea *kotlolohong*. “**KE ILE KA HLOEA**” (kakaretso) e ea ho “**KE ENTSE**” (kotloloho).

1) Re lokela ho hlokomela hore lintlha tse bonts'ang kamoo Molimo a ileng a hloea Esau ka teng, ha se oona mohloli oa ho nenoa ha lichaba tse ling. Molimo ha a ka ba nena Esau (Edomo). Edomo ke eona e ileng ea nena Molimo ka Israele (Edomo e bile khahlanong le Israele ho tloha nakong ea kholeho).

2) Tsepamo mona e boholong ba Molimo. O moholo hoo a nang le matla a ho etsa mokhoa oa hae oa ho hlohonolofatsa batho. Ke ka boholo boo ba hae a khethileng Israele. Ke ka boholo boo ba hae a khethileng Israele ho tisa tlhohonolofatso ho ba mohlohonolofatsang, le thohako ho ba morohakang (sheba Gene). Boholo boo ba hae, bosebelisa(khetha) ba bang ho phetha toka ea hae holima ba sa lateleng tsela ea hae (hlokomela hore taba ea LIPHOKOJOE TSA LEFELLA, e ka 'na ba e bua ka Maarabe a Ba-Nabateane ba neng ba phela karolong eo ea lefats'eng nakong eo).


Notes

—

BOITHUTO BA BIBELE III

Notes

- b. Lentsoe la mantlha temaneng ena ke **“EMPA.”** Re boetse re bona tlhakisiso ntlheng ea phapano. Sebelisa sets’oants’o sena ho ikhopotsa.



1) Empa na Molimo o hlile o hloea batho?

- a) Joalokaha **“RATILE”** e ka utloisisoa e le **“KHETHILOE”**, **“HLOILE”** le eona e lokela ho utloisisoa e le **“HA A KHETHOA”** (hopola hona ha ho bolele ho nenoa le ho qheleloa ntle).

- b) Lentsoe **“HLOILE”** le ka utloisisoa betere ha ho ka shejoa ts’ebeliso e ngoe ea lona. Bala Gen 29:30-33; Deutr 21:15-17; Luka 14:26; Math 10:37.

(1) Jakobo **“O NE A HLOILE”** Leea (Gen 29:31). Hona ha ho bolele hore o ne a mohloile maikutlong a hae (lentsoe “ho feta” le temaneng ea 30, le supa hore o ne a ntse a rata Leea). Taba ke hore o ne a khethile Ragele a sa khetha Leea

(2) Re fumana taba e ts’oanang ho Deutr 21:15-17.

BOITHUTO BA BIBELE III

(3) Lentsoe “**HLOILE**” ho Luka 14:26, le tolokoa ke Math 10:37 ka tsela e ts’oanang le mehlaleng e fetileng. Kutloisiso ha se hore re be le lehloeo maikutlong a rona bakeng sa batsoali ba rona, bana ba rona, jj. (hape boela o shebe lentsoe “**HO FETA**” ho Math 10:37, hantle-ntle le bonts’a hore re rata batsoali, bana ba rona, jj.). Taba ke hore Bakreste ba lokela ho *khetha* Jesu e seng ba bang.

Notes

—

- (a) Hape, hona ha ho bolele hore re nene le ho qhelela ba bang ntle. Ho bolela hore ba bang ba kenyelletsoa maphelong a rona ka ho khetha Jesu. ‘Nete ke hore, re ka re banna ba khona ho ba banna ba hantle ho basali ba bona hobane ba khethile Jesu e seng basali ba bona. Monna a ka rata mosali oa hae ka ‘nete ha feela a entse boinehelo le ho lumella hore Jesu a be le sebaka sa pele bophelong ba hae. Monna ea “**HLOILENG**” (ea sa khethang) a ka khona ho rata mosali oa hae ka ‘nete.
- (b) Leea o ne a ka ratoa ke Jakobo hantle ka baka la ho khetha Rakhele. Re ka re o ne a lokela ho ba “monn’a mosali ea mong” e le hore a tle a khone ho rata e mong oa bona (tsela e ngoe ea ho hlalosa ke hore, o ke ke oa sebeletsa marena a mabeli, kapa u ke ke oa sebeletsa Molimo le mammone). Jakobo o ile a lokela ho khetha a le mong bakeng sa hore a ba rate ba babeli. O ne a ka rata Leea (ka tsela e lumellanang le mofuta oa bophelo bo le bong) hobane a rata Ragele.

BOITHUTO BA BIBELE III

Notes

(c) Taba ena ea ho ba le kamano le molekane ea mong, e lumellana le seo Molimo a re biletsang ho sona re le ba-Kreste. Ho a hlolla hore Molimo o sebelisa kamano ea monna le mosali ho hlalosa kamano eo a e labalabelang pakeng tsa hae le motho (mohlala, sheba molaetsa oa Hosea). O re biletsa ho inehela ho eena ka botlalo, Molimo ea **mong**. Bohle ba etsang qeto eo, ba fetoha litho tse ntle tsa lelapa le lichaba, e se hobane lelapa le naha ea bo bona e le tsona tse tlang pele, empa e le hobane boinehelo ba bona bo tletseng ho Molimo bo ba lumella ho ba seo, ebile bo ba hlomella ho ba litho tse hantle tsa lelapa le sechaba. Re shebile taba tsena tsohle, ho a hlolla ho elelloa ho re ho Math 6:33, lentsoe la Sekherike bakeng sa “**PELE**” le supa “**FELA/NGOE**”. Batlang ‘Muso **pele**, ‘me tsohle le tla li ekeletsoa.

c) Kahoo re ka utloisisa betere se boleloang ha ho thoe Molimo “**O HLOILE**” Esau. Morero oa hae e ne e le ho rata, ho kenyeletsa le ho hlohonolofatsa ba bang ka ho khetha Israele **pele**. Israele, sechaba sa borumuoa (hopola taba ea Gen 12:1-3), e ile ea khethoa e le hore Molimo a rate lefats’e. Hopola, Johanne 3:16, e re “**MOLIMO O RATILE LEFATS’E**.” Molimo o khethile Israele e le hore a tle a khethe ba bang ka eona. Testamente e Ncha e bonts’a hore, O re rata hore re rate ba bang (sheba 1 Johanne 4:19).

Ntlha ea Puisano

Buisanang ka hore na tlhaloso le kutloisiso ena e lokela ho ama tsela eo re phelang ka eona joang re le Bakreste.

BOITHUTO BA BIBELE III

2) Na ha se ho hloka toka hore Molimo a khethe e mong a siee e mong?

Notes

—

- a) Ho araba potso ena re lokela ho ithuta temana e ts'oanang le Malakiea 1:2, 3. Bala Bar 9:6-21.
- (1) Ka holimo ho tsohle, re lokela ho tsepamisa maikutlo temaneng tsa 19-21. Molimo o moholo. Hantle hona e lokela ho ba phethelo ea puisano. Molimo, eena e le 'mopi, o lokela ho khetha kamoo a ratang ka teng.
- (2) Leha ho le joalo, Molimo o re fa tlhaloso e itseng. Bala temana ea 6.
- (a) Toka ea Molimo e fapane le “toka” ea batho. Motho o hlalosa toka a ipapisitse le ha lintho tsohle li ts'oana. Empa Molimo o hlalosa toka a ipapisitse le hore na batho ba arabela seo ba se filoeng joang (mohlala, papisong ea litalenta, mong'a makhoba, o ahlola lekhoba ka leng **“A IPAPISITSE LE BOKHONI”**: Sheba Math 25:15).
- (b) Toka ea Molimo e ipapisa le hore na u phethile lits'episo tsa hae. Molimo o lokile hobane a phethahalitse lits'episo tsa hae. Kutloisiso ea motho ea toka e shebana le tlhahlobo ea hae litabeng tsa lits'episo tsa Molimo. Kutloisiso ea Molimo ea toka e ipapisa le bots'epehi ba hae lits'episong tsa hae (lintlha tse potileng lits'episo tseo, ha li angoe ke tlhahlobo ea motho hobane li thehiloe tlasa boholo ba Molimo: bala Baroma 9:19-21).

BOITHUTO BA BIBELE III

Notes

—

(c) Qetellong, potso ea rona e ne ke ke ea bonts'a pherekano ea batho haeba ba ne ba utloisisa tlhaloso ea Biblele ea "ho khetha" le ho hloaea. Khetho e reretsoe ho kenyeletsa ba bang. Tlhoaeo ha ea etsetsoa sehlopha se itseng feela sa batho **"KAHA E SE BOHLE BAO E LENG ISRAELE BA HLAHILENG ISRAELENG."**

b) Joale re tla reng? Na Molimo ha a na toka? Le khale! (Baroma 9:14).

4. Temana ea 4.

- a. Lentsoe la mantlha temaneng ena ke **"KA."** E bonts'a phapang ea matla a boholo ba Molimo le boikhohomoso ba botho. Edomo e leka ho hlahisa matla a eona, empa Molimo o arabela ka ho phatlalatsa boholo ba hae ka holimo ho merero ea Edomo. Sheba sena sets'oants'ong.

EDOMO E RE

Re tla haha

|

Le ha re ripitliloe

MOLIMO O RE

Ba ka haha

|

Ke tla heletsa

BOITHUTO BA BIBELE III

b. Bokhoni ba botho bo a amana le boholo ba Molimo joang?

- 1) Ke 'nete hore motho o na le bokhoni. Leha ho le joalo, bokhoni bona, ha se bo nang le boqapi le tlholeho ea lintho tse ncha. Hona ke hore, motho o na le monyetla oa ho etsa lintho a ipapisitse le seo a se neoang ke Molimo, e seng ho ipapisitsoe le seo a ka khonang ho se etsa ntle le Molimo (sheba Johanne 1:12,13).
- 2) Kahoo, Baedomo ba ke ke ba sebelisa Bokhoni ba bona ba matla ho netefatsa ts'ireletseho ea bona. Qetello ea bona ha e taolong ea bona. Bokhoni ba bona bo ka be bo sebelisitsoe ho arabela Molimo ka nepo, ka ho ananela Israele, empa ba ile ba nena Molimo. Kahoo, bokhoni ba bona ha boa lekana ho ba pholosa. Molimo o moholo ho feta teko ea motho ea ho ipholosa.

Ntlha ea Puisano

Bala Luka 10:16, o be o bolele hore na batho ba hana Molimo joang ka ho hana bao a ba romileng.

- c. Re lokela ho sheba hore Molimo o bitsoa “**MORENA OA MABOTHO**.” Hona ke molaetsa o bohlokoa haholo malebana le sehlooho sa molaetsa oa buka ea Malakiea. E tla sebelisoa makhetlo a 24 likhaolong tseo tse khuts'oane tsa Malakiea.

- 1) **Sehlooho see se bolelang?**
- 2) Lentsoe “**MABOTHO/MAKHOTLA**” le supa matla a leholimo. E supa puso ea Molimo e hohle ebile e le e kholohali. Jehova ke Morena oa matla oohle, ke Morena oa lefats'e lohle, ebile ke Morena oa lichaba tsohle.

Notes

—

BOITHUTO BA BIBELE III

Notes

5. Temana ea 5.

- a. Lentsoe “**ME**” le hokela temana ea 4 le ea 5. Le bonts’a se ileng sa etsahala ka Edomo.
- b. Ponts’o ea boholo le matla a Morena khahlanong le ba hanang bao a ba romileng, e tla hlahisa phatlalatso ea Israele ea boholo ba Molimo.

1) Phatlalatso ee e tla tobisoa bo mang?

- a) Pele, ha re hopoleng lintlha tseo re seng re buile ka tsona temaneng tsa. 1-4, tse amanang le “**LICHABA.**”
 - (1) Israele e ne khethetsoe ho ba tlhohonolofatso (paki) “**LICHABENG.**”
 - (2) Ke Morena oa mabotho/makhotla kapa Morena oa “**LICHABA**” eo e leng eena mohloli oa phatlalatso.
- b) Hape, re lokela ho hlokomela ts’oano pakeng tsa mefuta ea litlhakisiso tseo le polelo ena “**HO FETA MEELI EA ISRAELE.**”
- c) Taba e suptjoang mona ke hore, sohle se buuoeng ho fihlela mona, ke teko e matla ea Molimo ea ho khannella Israele botleng. Ba lokela ho phetha karolo ea bona ea selekane ka ho sebetsa e le sechaba sa borumuoa. Ke leseli le lokelang ho khanya lefats’eng bakeng sa hore Molimo a “**PHAHAMISOE HO FETA MEELING EA ISRAELE.**” Ba lokela ho phatlalatsa linnete tsena “**LICHABENG.**”

BOITHUTO BA BIBELE III

2) Lintlha tsee li amana le mantsoe a Molimo a mantlha joang (Ke le ratile) tem. 2?

- a) Re boetse re lokela ho hopola hore morero oa Molimo oa topollo o amahangoa le batho ba khethiloeng bao e tlang ho ba barumuoa.
- b) Hape, re tlameha ho sebelisa molao oa 1 Johanne 4:19. Haeba e le 'nete hore re ka rata ba bang hobane Molimo a re ratile pele, ho bohlokoa he ho tseba hore Molimo oa re rata. Israele e ile ea sitoa ho bona hore Molimo oa e rata. Hona ho ile ha etsa hore Israele a sitoe ho rata ba bang. O ne a sa khone ho rata ba bang. Sheba sets'oants'o sena.

Notes

—

GENESE 12:1-3	Karolo 1: ke tla u hlohonolofatsa
_____	E LE HORE
Selekane sa Abrahama	Karolo 2: u tla ba tlhohonolofatso

Mal 1:1-4 – Molimo o senola lerato la hae bakeng sa Juda
E LE HORE
Mal 1:5 – Juda e tle e rate lichaba tse ling.

***tlhokomeliso: taba ea hore Juda e rate lichaba tse ling, e amana le thahasello ea hae ea ho etsa joalo, ho paka Molimo ka mokhoa o matla.

B. Lethathamo la Khaeho le Tlhophiseho ea Karolo ea #1 (o sebelisa lethathamo, qholotsa baithuti ho hloaea kamano pakeng tsa likarolo).

1. Sehlooho (tem. 1).
2. Kopano pakeng tsa Molimo le Israele (tem. 2,
- 3). a. Molimo oa ba rata (tem. 2a).
- b. Bona ba belaela(ha ba lumele) lerato la Molimo (tem. 2b).

BOITHUTO BA BIBELE III

Notes

—

c. Molimo o arabela potso ea bona (tem. 2b-3).

1) Esau le Jakobo ba ea fapangoa (tem. 2b-3a).

a) Molimo o ratile Jakobo (tem. 2b).

b) Molimo o hloile Esau (tem. 3).

(1) Molimo o etsa lithaba tsa hae matsoatlare (tem. 3a).

(2) Lefa la Edomo le neheletsoe libatana tsa naha (tem. 3b).

3. Kopano ea Molimo le Edomo (tem. 4).

a. Edomo e etsa lipolelo tsa boikhohomoso (tem. 4a).

b. Molimo o phatlalatsa bohelo ba hae holima merero ea bona (tem. 4b).

4. Karabelo ea qetello ea Israele likamanong tsena (tem. 5).

C. Qetello ea Karolo ea #1.

1. Lintlha le mehopolo ea ho qetela.

a. Leha Edomo e ntse e kenyeletsoa hangata litabeng tsena, litaba tsa karolo ena li tsepame haholo ho Israele le lerato la Molimo ho sechaba sa Israele. Qetello e shebana haholo le tlhoko ea lerato leo ho ts'oloha ho tsoa ho bona. Baisraele ba lokela ho utloisisa hore na, bona e le bakhethoa, ba amana le lichaba tse ling joang.

b. Hobaneng Molimo a o khethile? Pele, o u khethile ka baka la lerato la hae le se nang moeli, le bileng o sa le sebeletsang. Hape, o u khethile bakeng sa hore a tle a u sebelise ho kenyeletsa ba bang.

c. Karabelo ea rona ho khethoeng ke Molimo, e lokela e be teboho. Teboho ena e lokela ho re susumetsa ho fetela kaholimo ho rona, ho fetela bathong, lichabeng le ho feteng meeli ea rona.

BOITHUTO BA BIBELE III

2. Polelo e akaretsang. Kaha Molimo a labalabela haholo hore lerato la hae le bonahatsoe le be le arabeloe, re lokela ho arabela lerato la hae ka ho phela selekaneng seo a se entseng le rona.
3. Sehlooho. Molimo o rata batho ba hae.

Notes

—

IV. Karolo ea #2: Sebe sa Baprista (1:6-14).

A. Boithuto ba Tlhophiseho le Khaeho ea Karolo ea #2.

1. Temana ea 6.
 - a. Khaolong ea 1:1-5, Molimo o lokiselitse Israele ho elelloa botebo ba kotsi ea ho se moananele. Empa karolong ea 1:6-14, o qala ho supa libe tsa bona, ka ho supa libe tsa baetapele bao e leng baemeli ba bona (Baprista).
 - b. Taba ea ho tloha bonyaneng ho ea boholong, e ea sebelisoa temaneng ena ho bonts'a hore na ho hobe ha kae hore e be Israele ha e arabele Molimo ka nepo.
 - 1) Re ka bona phetako ea mantsoe ana “NTATE,” “MONG’A,” le “HLOMPHA.” ‘Nete tabeng ena ke hore, haeba taba ea bonyane ke ‘nete, taba ea boholo he le eona ke ‘nete. Ha bontat’a ba lefats’e ba hloneptjoa, ke ha kaakang ntate oa leholimo a lokelang ho hlonephuoa?
 - 2) Kotsi ke hore taba ea boholo ha e tsotelloe.
 - a) **Baprista ha ba tsotelle Molimo joang?**
 - (1) Polelo ena, “KE EENA” e supa hore bothata ha se hore baprista ha ba thahaselle ho bitsa Molimo, Ntate kapa mong’a bona (moprsta o ne a phatlalatsa sena e le karolo ea mosebetsi oa hae, ha a ne a pheta lithoko tempeleng). Bothata bo ne bo se mantsoeng a bona, empa bothata bone bo le liketsong le boits’oarong ba bona. Boits’oaro ba bona le lipuo tsa bona, li ne li fapane haholo.
 - (2) Kahoo, rea elelloa hore ho se tsotelle Molimo, ha ho etsoe boemong ba bobbe bo totobetseng, ho etsoa boemong ba boikaketsing bo totobetseng.

BOITHUTO BA BIBELE III

Notes

b) Lentsoe “tlontlolang” le bolelang?

(1) Le bolela ho fana ka boleng bo tlaase ba ho itseng; ho fokotsa boleng ba hona.

(2) Baprista ba ne ba tlontlolla Molimo. Ba ne ba sa mofe tlotla kapa boleng bo mots’oanelang.

c. Hape, re lokela ho sheba ts’ebeliso ea polelo “**MORENA OA MABOTHO.**” Ke Molimo oa lichaba ea lokelang ho fumana tlhompho. Ha a sa fumane tlhompho ho tsoa ho sechaba sa hae, lichaba li tla tseba ho mofa tlhompho joang?

2. Temana ea 7.

a. Re lokela ho sheba phetako ea mantsoe ana “**HLOMPHOLOTSE** le **SILAFETSENG.**” Re lokela hape ho sheba nts’etso-pele ea lintlha tsa “**LEBITSO LA MOLIMO**” (tem. 6d), “**ALETARE EA MOLIMO**” (tem. 7a), “**MOLIMO**” (“U”: vs. 7b), le “**TAFOLE EA MOLIMO**” (tafole ea Morena tem. 7c). Sheba sets’oants’o sena.

TLONTLOLOTSE ___ Lebitso la ka

SILAFALITSE _aletare ea ka ___ **TLONTLOLOTSE = SILAFALITSE**

SILAFALITSE _‘na ___ Lebitso la ka = aletare ea ka = ‘na = tafole ea ka

HLOMPHOLOTSE tafole ea ka

BOITHUTO BA BIBELE III

- b. Joale re ka akaretsa ntlha-kholo ea temana tsa 6, 7, ka ho lotomanya lintlha ka tsela ena:
- 1) Molimo: Le hlompholotse Lebitso la ka.
 - 2) Baprista: Joang?
 - 3) Molimo: ka ho tlisa lijo tse silafetseng aletareng ea ka.
 - 4) Baprista: E, empa seo se kopana kae le ho silafatsa uena?
 - 5) Molimo: ha tafole ea ka e silafetse, 'Na ka sebele ke silafetse.
3. Temana ea 8.
- a. Temaneng ea 6, re bone hore ho ne ho na le bothata ka moneheli. Empa temaneng ea 8, re bona hore ho na le bothata ka monehelo. Hangata mathata a na a bonoa 'moho. A ea amana (temaneng ea 7, re bona kopano ea mathata ana bobeli.)
- b. **Bothata ka monehelo ke bo fe?**
- 1) Bala Deutr 15:21. Pele ho tsohle, mofuta oona oa monehelo o ne o sa amohelehe. Kahoo, baprista ba ne ba se na kutlo.
 - 2) Bothata bo bonahala bo teba ho feta *ho hloka kutlo*. Mooko oa potso ea Molimo qetellong ea temana ena ke hore, baprista ba tlisa monehelo le mahlabelo a silafetseng aletareng ea Morena, tseo ba neng ba ke ke ba li tlisa ka pele ho 'Musi oa lehae.
 - a) Ba ne ba bonts'a tlhompho ho 'Musisi oa bona, feela ba ne ba tseba hore Molimo o moholo ho feta 'musisi. Empa liketso tsa bona ho Molimo, li ne li sa bonts'e tlhompho eo. Bothata bo ne bo le tumelong ea bona.
 - b) Ba ne ba bona 'musisi. Ba ne ba sa bone Molimo. Kahoo, ba ile ba qala ho ba le pelaelo ea bonnete ba ho moatamela. Ts'ebeletso ea mahlabelo, e ile ea fetoha moetlo feela, o se nang moelelo, ebile o tletse ka boikaketsi.

Notes

—

BOITHUTO BA BIBELE III

Notes

—

c) Monehelo o fanoang ho se tumelo, ke boikaketsi feela, ha hona ts'abo ea Molimo ho oona, 'me ha o amohelehe ho Molimo (Sheba Baheberu 11:4).

3) Menehelong ea bona, baprista ba nyenyefalitse Molimo. Ba mohlomphelelitse. Ka ho fetisisa, ba nyenyefalitse topollo ea bona, ba phela ka boikaketsi ka baka la ho fokola ha tumelo ea bona.

4. Temana ea 9.

a. Pele, re lokela ho hlokomela hore mantsoe ana a buuo ke **“KE MORENA OA MABOTHO.”**

b. Temaneng ea 8, re bona potso ena: **“NA HOO HO KA MOTHABISA(‘musisi)?”** Mona temaneng ea 9, potso ena e ea phetoa, empa khetlong lena, e se botsoa ho ipapisitsoe le Molimo e seng ‘musisi.

c. **Kamano ke e fe pakeng tsa menehelo le molemo/tlhohonolofatso ea Molimo?**

1) Ho kopana le ‘musisi, motho o lokela ho tlisa menehelo o nepahetseng kapa mpho e khahlisang ho bonts’a tlhompho. Hona ho mofa tumello ea ho kena.

2) Testamenteng ea Khale, menehelo oa sehlabelo se khahlisang, o ne o bula mamati malebana le tlhompho e isoang ho Molimo. Testamenteng e Ncha, re ka re sehlabelo se amohelehang ke thoriso le khumamelo. Re kena boteng ba hae ka thoriso. Re tlisa sehlabelo sa thoriso.

3) Joaloka ‘musisi, Molimo ha a na utloa lithapelo le likopo tsa rona, haeba re sa ‘monts’e khumamelo e amohelehang, ebile e le ea ‘nete.

BOITHUTO BA BIBELE III

d. boemong bona ha re ke re hetleng morao hanyane.

Notes

- 1) Tsepamo ebile ho Israele haholo. Leha ho le joalo, ho bonahala hona le morero kapa pono e amang lefats'e lohle ho tseo Molimo a li buileng. Re boetse re lokela ho hopola phetako ea **“MORENA OA MABOTHO”** (tem. 4, 6, 8, 9), kamahanyo ea morero oa lefats'e lohle oa topollo (tem. 7, 8), ntlha ea bohlokoa ba boleng ba Molimo kahar'a lichaba (“Lebitso la ka”: tem. 6), le polelo e amanang le boholo ba Molimo e ea tsebahatsoa **“HO FETA MEELING EA ISRAELE”** (tem. 5).
- 2) Temana ea 6, e kenyeletsa ka ho otloloha bothata ba moneheli. Temana ea 8, e bonts'a ka ho otloloha bothata ba monehelo. Temana ea 7, e kopantse mathata ana bobeli ho bonts'a bothata bo akaretsang. Temana ea 9 e bua ka kotsi e tla hlalisoa ke bothata bona.

5. Temana ea 10.

- a. Mona re bona tsoelopele ea ho latoloa ha baprista ke Molimo. Se bonts'itsoeng temaneng ea 9, (hore baprista le mahlabelo a bona ha li na amohela) se ea netefatsoa temaneng ea 10.
- b. Ho boetse ho bonahala e ka hona le katoloso ea karabelo ea Molimo. O phatlalatsa takatso ea hae ea hore ts'ebeletso eohle ea mahlabelo e koaloe (**“KOALA MAMATI”**).
- c. **Hobaneng Molimo a batla ba emise mahlabelo?** (na ho ne ho ke ke ha ba betere ho ba le ts'ebeletso leha e sa tiea hantle, ho ena le ho hloka ts'ebeletso ho hang?)
 - 1) Karabo ea potso ena ha ea hlaka, empa re na le leselinyana tlhakisisong le phethakong e fumanoang karolong e qetellang temana.
 - a) Temaneng ea 9, ho hlakile haholo hore Molimo o re a ke ke a ba amohela, bona le mahlabelo a bona. Empa, temaneng ea 10, re bona Molimo a pheta le ho tiisa bonnete bona.
 - b) Molimo o bonahala a ts'oenyehile ke hore ha ba utloisise. E ka o re: **se keng la thetsha!**

BOITHUTO BA BIBELE III

Notes

- 2) Ho betere ho hloka ts'ebeletso ea khumamelo ho hang, ho ena le ho ba le ts'ebeletso-khoela, e batang, e bileng e se nang moelelo. Khumamelo e se nang kutlo le botebo, “**ha e na thuso**”, ke lefela (sheba Mar 7:6, 7). Joalokaha Malakiea a bolela, ke ho hotetsa mollo o se nang thuso aletareng ea Molimo. Leha ho le joalo, ho feta mona, hona le bothata ba thetso e tlišoang ke boikaketsi le tumelo-‘motoana. Hangata Lits'ebeletso tsa bohata li fana ka boikutlo bo fosahetseng. Ho etsa lintho ka tloaelo, ho thetso batho hobane, ho hloma e ka ba na le kamano e ntle le Molimo, empa ba se na eona. Batho ba nahana hore sephetho se senang mohloli, se betere ho feta ho hloka sephetho ka kakaretso. Molimo eena o batla hore mamati a hle a koaloe ha ho le joalo. Motho o re, ho ba fofo ho betere ho feta ho bata. Molimo eena o re re ka mpa ra bata (sheba Ts'en 3:15, 16). Molimo o re a ka mpa a se fumane mahlabelo ho hang, ho ena le ho amohela mahlabelo a silafetseng. (Esa 1:11-15).
- a) Mona re ka etsa kamahanyo ea bohlokoa ka temana ena. Molimo o hloile boikaketsi ho feta eng kapa eng. O hloile litloaelo tse se nang thuso, le lits'ebeletso tse se nang moelelo. Li silafetse ‘me li thetso ba li etsang. O hlatsa ho fofo. (Ts'en 3:16). Ho Molimo, ke “E” kapa “Che” (Math 5:37). Ke sohle kapa ha ho letho (Math 16:24).
- b) Likarolo tseo ho nang le boikaketsi mapheelong a rona, li lokela ho timetsoa/ho tlosoa. Mamati a lokela ho koaloe. Ha lelele ha re lumella boikaketsi ho tsoelapele, ke haholo ha re tla thetsoa le ho thotofatsoa ke thetso ea bona (boikaketsi).

BOITHUTO BA BIBELE III

6. temana ea 11.

- a. Tlhakisiso e ileng ea bonts'oa pejana, e phetlolloa haholoanyane. Mona re lokela ho sheba phetako ea **“LEBITSO LA KA,” “HAR’A LICHABA,”** ke **“MORENA OA MABOTHO.”**
- b. Tlhakisiso ee ea lefats’e lohle e amana joang le libe tsa Israele?
 - 1) Lentsoe la pele, ke lentsoe la mantlha le lokelang ho shejoa temaneng ena. Lentsoe **“HOBANE”** le hlahisa lebaka la Molimo la ho hana mahlabelo le menhelo. Ke ka baka la morero oa hae oa topollo ea lefats’e lohle. Molimo o re a ke ke a amohela mahlabelo a sa hloekang ho tsoa ho sechaba sa hae, empa morero oa hae e le ho amohela mahlabelo a hloekileng ho tsoa ho lichaba tsohle tsa lefats’e
 - 2) Hape, libe tsa Israele li fana ka bopaki bo bobe lichabeng tsa lefats’e. Ho fokola ha khumamelo ea ‘nete ho ama morero oa Molimo oa topollo ea lefats’e lohle hampe.

7. Temana ea 12.

- a. Temana e sebelisoa ho khutlisetsa maikutlo le ho a tebisa holima bothata. Ke phetako ea puisano e ileng ea qala temaneng tsa 6-8.
- b. Lentsoe **“EMPA”** le supa phapang pakeng tsa seo Molimo a se batlang le se etsahalang. **“LEBITSO LA KA LE TLA BA LEHOLO”** temaneng ea 11, e fapane le **“EMPA LONA LEA NTLONTLOLLA”** temaneng ea 12.

Notes

—

BOITHUTO BA BIBELE III

Notes

8. Temana ea 13.

a. Mona o tsoelapele ho hlalosa bothata (hlokomela “**LE BILE**”).

b. Baprista le bona ba borehile ke seo ba se etsang.

1) Ho boreha ho amana joang le litemana tse ling?

a) Baprista le bona ba borehile ke ho etsa lintho ka tloaelo ba sena moelelo oa ho li etsa. Ba tennoe ke khumamelo e batang. Hantle ho etsa lintho ka tloaelo ho a tena. Empa khumamelo ea ‘nete, e nang le moelelo ho Molimo, ha e tene kaha e beha litholoana.

b) Senotlolo sa karabelo ea rona ke sena. Hlokomela hore boleng ba ho teneha hona, ke chalimo e fosahetseng ea “**THOLOANA**” (tem. 12).

(1) Khumamelo e tletseng boikaketsi, e ea tena kaha e bata, e se na moelelo.

(2) Ena ke eona kotsi ea tumelo-khoela le khumamelo-‘motoana. E shoele. Ha ho letho le kenang, kahoo, ha ho letho le tsoang. Ho teneha le khumamelo e batang, hangata li phela ‘moho. Ha ho se moelelo o hlakileng (hopola, boikaketsi bo hlahisa ho silafala), ha ho bophelo le thabo.

Mohlala oa Sengoli:

O ka tsoelapele ha nakoana ho ja makhapetla a pie, qetellong o tla teneha ke ona. Ha ho se tholoana, hoo ho tla u tena.

Beha Mohlala oa Hau

BOITHUTO BA BIBELE III

2) ho teneha ho amana joang le se latelang temaneng ea 13?

- a) Ho hloka 'nete le botebo ho se etsoang le ho teneha, li tsamaea 'moho. Mahlabelo a neng a nehelo, a ne a sa tlame moneheli ka letho. Ho bobebe ho fana ka phoofolo e utsoitsoeng kapa e kulang e le sehlabelo.
- b) Tumelo e bobebe e se nang botebo le ho teneha, le tsona li tsamaea 'moho. Hangata lintho tse nang le moelelo ho rona, ke lintho tse re nkileng ho hong.

9. Temana 14.

- a. Hape, re tla elelloa hore lebaka leo Molimo a neng a sa ananele liketso tsa baprista, le amahangoa le **“LICHABA.”**
- b. Tlhakisiso e phetlehile. Molimo o biletsa Israele ho phela bophelo ba 'nete ba khumamelo molemong oa bona, le molemong oa **“LICHABA”** tse fumanang bopaki ba bona ba Molimo ka Israele.

B. Lethathamo la Tlhophiseho le Khaeho ea karolo ea #2 (o sebelisa lethathamo, qholotsa baithuti ho fumana kamano pakeng tsa likarolo).

1. Tlhaloso ea bothata (tem. 6-9).

- a. Bothata bo tobaneng le moneheli (tem. 6).
- b. Bothata bo akaretsang (tem. 7).
- c. Bothata bo tobaneng le monehelo (tem. 8).
- d. Sephetho sa bothata (tem. 9).

2. Kopo ea Molimo (tem. 10-12).

- a. Kopo e khethehileng le netefatso ea temana ea 9 (tem. 10).
- b. Lebaka la kopo (vs. 11).
- c. Bonnete ba joale (tem. 12).

Notes

—

BOITHUTO BA BIBELE III

Notes

3. Mathata a mang (tem. 13,14a).
 - a) Ho teneha (vs. 13a).
 - b) Mefuta e sa amoheleheng ea mahlabelo (tem. 13b, 14a).
4. Qetello (tem. 14b) – qetello e bonts'oa e le lebaka la ho hloka thabo ha Molimo.

C. Qetello ea karolo ea #2.

1. Lintlha le mehopolo ea ho qetela.

Mohlala oa Sengoli:

Batho ba rata le ho thahasella boitlobetso ba semathi le sebini, empa ba nahana hore ke ntho e makatsang kapa tloaelo e se nang moelelo ho itolobelletsa Molimo. Ba shebella telefeshini lihora tse hlano letsatsi le letsatsi, empa ba sitoa ho fumana nako ea ho bala Bible. Ba sebelisa chelete e ngata ho reka li-toy, empa ba sitoa ho fa Molimo karolo feela ea 10 mekholong ea bona. Hantle Molimo o bohlokoa ha kae ho rona? Na ha rea nyenyefatsa Molimo? Na re fa Molimo tse molokelang? E be mahlabelo a rona ha se a boikaketsi? Na re ikemiselitse ho mokhumamela ka 'nete?

Beha Mohlala oa hau

- a. Na re ikemiselitse ho mokhumamela ka 'nete?
- b. Haeba o sa phele bophelo ba 'nete ba Bokreste, ho ka ba molemo kahoo, ho koala mamati e be u emisa ho ipitsa Mokreste. Hobaneng? Hobane lebitso la hae le ea hloneptjhoa har'a lichaba.

BOITHUTO BA BIBELE III

2. Polelo e akaretsang. Re tlameha ho fana ka khumamelo ea 'nete ho Molimo oa 'nete, eo e leng eena Morena oa Mabotho.
3. Sehlooho. Khumamelo ea Boikaketsi.

Notes

—

V. Karolo ea #3: Kotlo le Kahlolo ea Baprasta (Mal 2:1-9).

A. Boithuto ba Khaeho le Tlhophiseho ea Karolo ea #3.

1. Temana ea 1.
 - a. Molimo o hlakisisa hore o bua le baprasta. O etsa bonnete ba hore ba a tseba hore **“TAE O ENA”** ke e tobaneng le bona.
 - b. **Tae o ee ke e fe?**
 - 1) Ke tae e malebana le bomalimabe bo phatlalalitsoeng 1:14.
 - 2) Hona ho pepesitsoe temaneng ea 2, moo re hlokomelang phetako ea lentsoe **“THOHA KO.”**
2. Temana ea 2.
 - a. Ts'ebeliso ea 'haeba' temaneng ena, e bohlokoa haholo ho eloa-hloko. E tiisa taba ea hore kahlolo ea Molimo e etelloapele ke pitso ea pako. Kamehla Molimo o fana ka monyetla oa pako.
 - b. Tlhokomeliso e matlafatsoa ke ha Molimo a re, **“E, KE SE KE LE.”** Mantsoe ana a hlalisa tsoelopele le katoloso ea boemo bo fetileng. Kahlolo e qalile ho netefala. Hona ho lokela ho sisinya Baprasta ho baka.

BOITHUTO BA BIBELE III

Notes —

c. Baprista ba lokela ho etsa eng ho baka?

- 1) Lentsoe **“HOBANE”**(qetellong ea temana) le bonts’a lebaka la kahlole ea Molimo. Baprista ba nka taelo ha nyane. Joalokaha re ile ra bona pejana, taao ke tlhokomeliso ea thohako. Litaalo tse fanoang li malebana le lits’ebeletso tsa mahlabelo. Baprista ba lokela ho furalla mekhoha e sa amoheleheng eo ba neng ba e etsa ka tempeleng. (bona 1:8, 13, 14).
- 2) Ba lokela ho furalla mekhoha ea bona ea boikaketsi le litloaelo tse se nang moelelo. Temaneng ea 2, re lokela ho sheba phetako ea mantsoe ana “haeba le sa ‘mamele.” Qalehong ea temana, taba ena e hlalosoahaholoanyane. E kenyeletsa ho se mamele le ho se fe Molimo tlhompho. Pako ea bona e lokela e tlohe boemong ba litsebe le kelello feela (ho utloeng) ho ea lipelong tsa bona, e be e fetela liketsong tsa bona. E lokela ho ba le bonnete le ‘nete. Sephetho e tla ba hore Lebitso la Molimo le tla hloneptjoa (hape re lokela ho ikhopotsa ka morero o amang le lefats’e lohle oa sephetho sena).

d. Re boetse re hopotsoa ka tsamano le neheletsano ea selekane sa Abrahama. Molimo o tla hlohonolofatsa Israele, ‘me Israele e tla hlohonolofatsa lichaba tse ling. ‘Nete ke hore, karolo ea pele ea selekane e ikamahanya le ho phetheloa ha karolo ea bobeli ea selekane. Ha Israele e sa hlohonolofatse lichaba, Molimo a ke ke a ba hlohonolofatsa. Mantsoe a Malakie a re: **“HAEBA LE SA TSOTELLE HO NTLOTLISA”** (ho hlohonolofatsa lichaba ka ho fana ka bopaki bo nepahetseng), **“KE TLA LE LIHELA THOHAKO”** (nke ke ka le hlohonolofatsa).

- 1) Molao oona o netefalitsoe boleleleng ba histori. Ho a bonahala hore, kholeho ka bo-eona, ke sephetho sa molao oona.
- 2) Ha lichaba li ntse li hlohonolofatsoa ke Molimo, ba ne ba atisetsoa le ho boloka litlhohonolofatso tsa bona ho latela hore na bona ba thahasella ho hlohonolofatsa lichaba tse ling joang. Ha ba ne ba sa hlohonolofatse lichaba tse ling, litlhohonolofatso li ne li tlosoa ho bona. Mohlala, taba ena e bonoa ho oeng ha Roma. E boetse e bonoa ho oeng ha lichaba tsa Goth le Viking. Bibeleng, e bonoa kholehong ea Babilona le ho choatloeng ha Jerusalema ka 70 A.D.


BOITHUTO BA BIBELE III

3. Temana ea 3.

a. Re lokela ho sheba phetako ea bohlokoa ea ts'ebeliso ea puo e supang bokamoso. Temaneng ea 2, re bona mantsoe “TLA”. Mona re na le polelo “KE TLA.”

b. Litemana tsee tse peli li amana joang?

1) Temana ea 3, ke tlhaloso ea temana ea 2. Ithute sets'oants'o se latelang.



2) Molimo o tla ba lihela thohako ka ho ba khalema, ho ba phara ka mosoang, le ho ba lahlela kantle.

3) Litlhohonolofatso tseo Molimo a tla li lihela thohako ke:

a) Litloholo (e leng peo) tsa bona, li oeloa ke thohako. Hona ho ka amana le bana kapa lijalo (sheba Deutr 28:18).

b) Mosoang ke bolokoe ba liphoofole tse neng li etsa mahlabele, o ne o nkeloa kantle ho motse ho cheselletsoa le matlalo a liphoofole tsa mahlabele (bala Ekso 29:14; Levit 8:17; 16:27). E ne e le karolo ea mahlabele a liphoofole (Levit 4:11).

(1) Qetello ke hore, baprista ba tla tlontlolloa ponts'eng. Haeba ba ts'ela mosoang (boikaketsi) sefahlehong sa Molimo, Molimo le eena o tla lahlella mosoang lifahlehong tsa bona.

(2) Molimo o tla tlontlolla baprista le lits'ebeletso tsa bona ponts'eng (sheba Deutr 28:19; Nah 3:4-7).

Notes

—

BOITHUTO BA BIBELE III

Notes

—

- c) Qetellong, baprista ba tla **“LAHLELOA LE EONA KA NTLE.”** Hona ke thohako e ka holimo ho tsohle hobane e amana le tlhohonolofatso e kholo ka ho fetisisa. Baprista joaloka mosoang, ba tla tlosoa boteng ba Molimo. Ba tla lahlehelo a ke kamano le kopano ea bona le Molimo (sheba Pesal 67:1, 2; 73:28).

4. Temana ea 4.

- a. Re lokela ho sheba mantsoe a mantlha, **“KAHOO”** le **“E LE HORE.”** Mantsoe ana a supa sepheo sa litemana tse tlang pejana ho eena.

b. Hobaneng Molimo a tla lihela baprista thohako?

- 1) Molimo o na le li-pheo tse peli:

- a) **“KAHOO LE TLA TSEBA”** – ts’oaro e thata/boima, ke tsela ea ho ba hlasimolla hore ba be le kutlo. Ke tsela ea ho ba khutlisetsa **tsebong ea Molimo**.

- b) **“E LE HORE SELEKANE SA KA LE LEVI SE SE KE SA FELA”** – Molimo a ke ke a roba selekane sa hae. Kahoo, Molimo o tla otlala baprista hore ba tle ba khutlele ho eena, ‘me ba etse hore **a tsejoe**. (Hopola hore selekane sa Abrahama se kenyeletsa lichaba tsohle).

- 2) Ho bohlokoa ho elelloa hore Molimo o ne a otlala baprista bakeng sa molemo oa bona.

c. Selekane sa Hae le levi ke se fe?

- 1) Ha hona tlaleho e hlakileng ea selekane sa Molimo le Levi.
- 2) Hajoale, re ka ichebela feela Numere 25:12, 13 le Deutronoma 33:9, 10.

BOITHUTO BA BIBELE III

5. Temana ea 5.

Notes

- a. Temana ena e hlalosa selekane le Levi, seo ho ileng ha buuo ka sona temaneng ea 4.

1) **Selekane see se kenyeletsa eng?**

- a) Se kenyeletsa bophelo le khotso.
- b) Ha re ntse re thuisa Numere 25:12, 13, re tla ikhopotsa lintlha tsena tse peli.
- (1) Mosebetsi oa baprista o ne o hlahisa bophelo (topollo). Mali a mahlabelo a liphoofole a ne a bonts'a bophelo bo ts'olohang bakeng sa bophelo bo bong.
- (2) Hape mosebetsi oa ba-Levi o ne o hlahisa khotso (tefelo). Mosebetsi o ne o etsoa ka sepheo sa ho boelanya batho le Molimo.

2) **Hobaneng selekane se ne se filoe Levi?**

- a) **“KA MORUTA HO NTLHOMPHA, ‘ME A FELA A NTLHOMPHA, A NTS’ABA.”**
- b) Sepheo sa Molimo ka Levi e ne e le hore a mots’abe, a mohlomphe.

3) **Selekane see se ile sa ama Levi joang?**

- a) Lentsoe **“ME”** le bonts'a sehlahisoa.
- b) Hona ho ne ho lumellana le sepheo sa Molimo. Levi o ile a ts’aba Molimo.
- b. Re lokela ho sheba phetako ea ntlha ea tlotlo, ts’abo, kapa ho hlomphe Molimo (sheba 1:6). Ho fihlela joale, taba ke hore baprista ha ba sa its’oere (1:6-2:4) ka tsela eo ba neng ba its’oara ka eona (2:5).

BOITHUTO BA BIBELE III

Notes

6. Temana ea 6.

a. Mona re bonts'oa ka kotloloho tsela eo baprista ba neng ba boloka selekane ka eona.

Ha re ke re ithuteng khaeho ea temana ena. Sheba sets'oants'o se ka tlaase.

A¹ = thuto ea 'nete ka molomo oa hae

A² = ka ho loka lipounameng tsa hae

B¹ = khotso/bohloeki. a tsamaea


B² = a tloha sebeng a sokoloha

b. Re ka 'na ra makala ho bona hore moprista, o feta mosebeletsi fela oa mahlabelo le lits'ebeletso tsa mekete. E ne e le moruti. O ne a khutlisetsa batho ho Molimo. O ne a tsamaea pela Molimo haholo. Lithuto tsa hae li ne li amana le 'nete, boitolobetso le khalemo. E ne e le mohlanka oa Molimo ka lipolelo le ka liketso.

7. Temana ea 7.

a. Mona re rata ho shebana haholo le mantsoe ana, **“HOBANE”** le **“TS'OANETSE.”** Temana ea 6 e ne e hlalosa seo baprista ba se entseng. Lentsoe **“HOBANE”** le supa lebaka leo ba entseng tseo tsohle ka lona. Ba ne ba li etsa hobane ba ne ba **“TS'OANETSE”**.

b. Re batla ho hlakisa hore baprista ba ne ba na le mosebetsi o ntlhahleli. Ba ne ba lokela ho sebeletsa ka lipolelo le liketso tsa bona. Ithute sets'oants'o sena ho ithuta lintlha tseo tse peli tsa mosebetsi oa baprista.



BOITHUTO BA BIBELE III

c. Hobaneng e le 'nete hore mosebetsi oa baprista o ne o le lipuong le liketsong/bophelong?

1) **“HOBANE MOPRISTA KE LEQOSA LA MORENA OA MABOTHO.”**

2) Morumuoa o lokela ho phela ka tsela e shebaneng le ho ba boteng ba Molimo. Ke ka tsela ena feela a ka fumanang molaetsa (sheba Sakar 3:7).

3) Morumuoa joale o lokela ho fetisa molaetsa ka mantsoe (sheba Hagai 1:13).

8. Temana 8.

a. Mona re fumana lentsoe la mantlha la karolo ena (**“EMPA”**). Ha re sheba mokhoa oa lona oa ts'ebeliso, re fumana sepheo se le seng sa ts'ebeliso. Molimo o batla ho hlakisisa phapang pakeng tsa hoo e neng e le 'nete le hoo e leng leshano. Liphapano li tebile le ho hlaka haholo.

1) Ho ena le hore ba **“KHUTLISETSE”** ba bangata ho lokeng, baprista ke bona ba **“FURALLANG”** tsela.

2) Ho ena le hore batho ba fumane **“THUTO”** ho tsoa melomong ea bona, baprista ba entse hore ba bangata ba kholokhothehe ka **“THUTO”** ea bona.

3) Ho ena le hore selekane se **“TSOELEPELE”** ka Levi, baprista ba **“SENTSE”** (ba robile) selekane sa Levi.

b. Karolong e latelang, Molimo o tla shebana le libe tsa sechaba. Leha ho le joalo, mona o tobana le baprista.

Notes

—

BOITHUTO BA BIBELE III

Notes —

c. **Hobaneng Molimo a tobana le baprista pele a shebana le sechaba?**

- 1) Ho bohlokoa ho sheba ketsahalo ena. Baprista ba hanne Molimo. Batho ba ameha ha ho le joalo. Liketso tsa baprista li etsa hore “**BA BANGATA**” ba kholokhothehe (re ka bona ketsahalo ea mofuta oona ho 1:13, moo liketso tsa baprista li susumetsang sechaba ho tlisa mahlabelo a sa amoheleheng).
- 2) Ho shoa ha mosebetsi, ho etelloapele ke ho o-oa ha Mosebeletsi ka bo-eena. Molimo o shebana le libe tsa baprista hobane, tje kaha e le baetapele le baemeli ba sechaba, ba na le boikarabello bo boholo sebeng sa Israele. (sheba Eks 5:14 le Jakobo 3:1). Liketso tsa moetapele oa sechaba se itseng li ama sechaba sa hae ka kotloloho.

9. Temana ea 9.

- a. Lentsoe “**KAHOO**” le sebelisoa ho bonts’a sehlahisoa sa temana e tlang pejana. Le boetse le sebelisoa ho lupa qetello ea karolo ena.
- b. **Hobaneng Molimo a sebelisa lentsoe “kahoo”?**
 - 1) Pele, re bona nts’etso-pele ea se etsahalang ho baprista le se etsahetseng ho Edomo 1:3, 4. Re ka sheba hona maemong ana bobeli, “**KE ENTSE.**” Maemong ana a le mabeli, ba fumaneng kahlolo ba nyelisoa ke ba bang.
 - 2) Hape, re lokela ho hopola ntlha eo re kileng ra e ts’ohla ea ho kotula seo o se jetseng. Baprista ba ile ba hana Molimo (ho jala). Sechaba se ile sa nyelisa baprista (ho kotula). Haeba re batla molemo oa Molimo, re lokela ho bonts’a tsotello ho Molimo. (Math 7:2).
- c. Qetello ke hore baprista ha ba thahaselle ho fumana molemo oa Molimo (“ho boloka litsela tsa hae”). Ba labalabela ho fumana lerato la batho (ba bonts’a ts’ekisetso; e leng ntho e neng e haneloa ho Lev 19:15). ‘nete ke hore, hona ke phapang e poteletseng malebana le litakatso tsa Molimo bakeng sa hore ba tsamaee le eena, le hore ba hloke koli (ts’ekamelolo) melomong ea bona.

BOITHUTO BA BIBELE III

B. Khaeho le Tlhophiseho ea karolo ea #3 (o sebelisa lethathamo, qholotsa baithuti ho fumana kamano ea likarolo).

Notes

—

1. Tlhaloso ea taelo (2:1-3).
 - a. Selelekela (tem. 1).
 - b. Lipehelo (tem. 2a).
 - 1) Bonnete ba joale (tem. 2b).
 - 2) Tlhakiso ea lintho tse tlang ho tla (tem. 3).
2. Sepheo sa taelo (tem. 4).
 - a. Bahlasimolle/ba tsose (tem. 4a).
 - b. ho tsoelapele ka selekane le Levi (tem. 4b).
3. Tlhaloso ea Selekane (tem. 5-7).
 - a. tlhaloso e akaretsang (tem. 5).
 - b. Tlhaloso e otlolohileng (tem. 6).
 - c. Lebaka leo tlhaloso ena e leng 'nete (tem. 7).
4. Khano ea Selekane (tem. 8).
5. Sephetho le qetello (tem. 9).

BOITHUTO BA BIBELE III

Notes

C. Qetello ea Karolo ea #3.

1. Lintlha le mehopolo e qetellang.
 - a. Re lokela ho amohela le ho boloka litlhohonolofatso tsa Molimo ka ho ba le kutlo ho Eena, re be re arolele ba bang litlhohonolofatso tseo.
 - b. Molimo o otlala sechaba sa hae e le hore morero oa hae (selekane) o tle o tsoelepele. Merero ea Molimo e ke ke ea fetoloa fela-fela. (Jobo 42:2).
 - c. Khotso le bophelo, ke lihlahisoa tsa lipolelo le liketso.
 - d. Ho nena Molimo, ke sesupo se hlakileng hore Molimo le eena o tla u nena. Baikaketsi ba ichekela lemena.
 - e. Bohlokoa ba Baetapele ba lokileng bo phetlehile. Ba susumetsa batho ba bangata, kahoo ba ahloloa pele (sheba Jak 3:1).
 - f. Ho lokela ho shejoe hore tsena tsohle li amana le taba ea hore Molimo ke **“MORENA OA MABOTHO.”**

Ntlha ea Puisano

Na re ka hlalosa molaetsa oa Malakiea e le molaetsa oa borumuoa?

- g. Ha re akaretse karolo ka se latelang.

TEMANA EA 1-4a

TAELO EA HO FETOHA

tlhokomeliso/molao o kenyeletsang kotlo ea Molimo hobane a batla hore a boloke selekane

TEMANA EA 4b-7

MOHLA LA OA HO FETOHA

Molimo o hopola se neng se etsahala pele, ‘me o labalabela hore ho ts’oane le pele e le hore sechaba sa hae le lichaba tse ling li fumane molemo oa selekane

TEMANA EA 8,9

PHAPANO

Phapang ea se neng se etsahala le se etsahalang joale; le litlamorao tse bohloko haholo

BOITHUTO BA BIBELE III

2. Polelo e akaretsang. Ha a boetse a sheba hore linako li ne li le joang sethathong, Molimo o etsa tlhokomeliso ka likotlo tsa hae ho leka ho ho khalema libe molemong oa ho tsoelapele ka selekane le Levi.
3. Sehlooho – Kahlolo khahlanong le boikaketsi.

Notes

—

VI. Karolo ea #4: Ho se ts'epahale le Boikaketsi ba Sechaba (Mal 2:10-16).

A. Ithute khaeho le Tlhophiseho ea karolo ea #4.

1. Temana ea 10.
 - a. Temana e bonahala e le selelekela sa karolo ena. Re ka bona mantsoe a fapaneng a supang hona e le temana e akaretsang e tla lelekella mathata a khethehileng (hlokomela **“RONA,” “EA RONA,” “NTATE A LE MONG,” “BONTATA,” “BOHLE,” “MOLIMO A LE MONG”**).
 - b. Karolong ena, lentsoe **“SILAFATSA/BOLOTSANA”** le hlaha makhetlo a mahlano.
 - c. **“Bolotsana” bo bolelang?**
 - 1) Ho bolela ho tlala ka thetso le lonya.
 - 2) Le sebelisoa karolong ena ho bonts'a ho hloka bots'epehi likamanong.
 - d. Phetako ea lentsoe **“BOLOTSANA,” “HLOMPHOLLA”** le **“SELEKANE”** e bonts'a mooko-tabo oa karolo ena. Ho se ts'epahalle ba bang ho ts'oana le ho se ts'epahalle Molimo le selekane. Ke ho hlompholla Molimo, selekane le boteng ba hae. temana e bonts'a hore haeba ntat'a rona bohle e le Molimo, ho hlokela ngoaneno bots'epehi ke ho etsa hoo ho ngoan'a Hae (kahoo, ke ho hloka bots'epehi ho eena).

BOITHUTO BA BIBELE III

Notes —

2. Temana ea 11.

- a. Mona Molimo o batla a toba taba ka mokhoa o otlohileng. Lentsoe **“HOBANE”** le supa tlhaloso ea bolotsana ba batho.
- b. **Ke joang batho ba hlokileng bots’epehi ba bile ba le bolotsana ?**
 - 1) Ba ne ba nyallana le basali ba litumelo tse khelohileng.
 - 2) Mefuta ena ea manyalo, e ne e hanetsoe molaong oa selekane hobane o ne o akofisa ho lahla tumelo ea ‘nete (sheba Eks 34:15, 16; Deutr 7:3, 4). Ba hlompolla selekane hobane ba tsoaka khalalele le ho se halalele.

3. Temana ea 12.

- a. Polelo ena, **“TLUNG EA MOTHO EA ETSANG JOALO”** e bonts’a sehlahisoa sa ho se ts’epahale. Lentsoe la mantlha temaneng ena ke **“O TLA KHAOLA.”** Re lokela ho elelloa hore lentsoe **“KHAOLA”** puong ea seheberu, le sebelisoa ka mokhoa o ts’oanang le lentsoe le sebelisoang bakeng sa ho “khaola” selekane.
- b. Kahoo, bakeng sa batho ba sa khaoleng selekane, hona le mofuta o mong oa ho khaola.
 - 1) Ba tla khaoloe (tlosoa, sengoa, khaoloe) **“LITENTENG TSA JAKOBO.”**

BOITHUTO BA BIBELE III

2) Hona ke hore, ba tla tlosoa kahar'a sechaba sa Molimo.

a) Re ntse re behile taba ena likelellong, re ka utloisisa moelelo oa polelo ea Seheberu e reng “**EA FALIMEHANG LE EA ARABANG.**” Polelo ena e ka ba le meelelo e ‘meli:

(1) Mang le mang eo e leng karolo ea hae (lelapa la hae) le eena o tla khaoloa.

(2) O tla lahlehelo ke litokelo tsohle tsa botho. Hoo ke hore, ha ho motho ea ka mosireletsang le ho muella lekhotleng la molao.

(a) Karolo e qetellang ea temana ena, e bonts'a tahlehelo ea litokelo tsa tumelo.

(b) Hona ke hore, ha ho motho ea tla khona ho etsa mahlabelo ho Molimo bakeng sa hae.

b) Molimo a ke ke a lumella ts'ila-falo ea sechaba sa Hae. ha a na ho lumella nyallano le lichaba tse ling. Joalokaha Israele e ne e qala ho fihla lefats'eng la pallo, ntho e fe kapa e fe e tsoakuoeng kapa e hlahisitsoeng ke ho tsoakoa, e ne e le lokela ho sengoa. (sheba ts'oano ea 1 Bakr 3:16, 17; 2 Bakr 6:14).

4. Temana ea 13.

a. Lethathamo la litlolo tsa bona le ntse le tsoelapele. Bothata bo akaretsang bo hlahisitsoe temaneng ea 10. Hajoale Molimo o fana ka lebaka la bobeli la ho koata ha hae.

b. Re hopotsoa mona ka molao oa Mareka 7:6-8. Khumamelo e se nang kutlo e silafetse. khauho e se nang kutlo ha ea nepahala. Kutloelo-bohloko/khauho e se nang moelelo, ha se eona eo Molimo a e batlang (hobane e ka ba kutloelo-bohloko e hlokanngoa kahare: sheba 2 Bakr 7:9, 10). Molimo o batla pako. Likhapha tse se nang pako, ke meokho ea boikaketsi.

Notes

—

BOITHUTO BA BIBELE III

Notes

5. Temana ea 14.

- a. Temana ena e sebelisitsoe ho hlalosa hore na hobaneng ha Molimo a sa amohele mahlabelo a bona (sheba lentsoe **“HOBANE”**).
- b. **Hobaneng Molimo a sa amohele mahlabelo a bona?**
 - 1) **“HOBANE”** ho hloka tumelo le selekane, ha li tsamaellane. Temaneng ea 10, Molimo o buile sena ka mokhoa o pharaletseng/akaretsang. Empa hajoale, o e hlakisa ka ho etsa mohlala o totobetseng.
 - 2) Phokolo ea tumelo e tlontlolla selekane. Hantle-ntle, hona ho tolokoa e le ho nyenyefatsa Molimo ka sebele sa hae.

6. Temana ea 15.

- a. Lentsoe **“EMPA”** le supa phapano. Ke phapano pakeng tsa ba nang le bots’epehi (ba nang le karolo ea Moea ka ho bona), le ba se nang bots’epehi (e hlalositsoe litemaneng tsa pejana).
- b. Hona le phoqo kahar’a potso e latelang phapano (**“KE HOBANENG A NE A BATLA BANA BA MOHLOMPHANG?”**). Taba ke hore, ea sa ts’epahaleng, le eena, o ne a batla bana ba mohlomphang. Empa ngoana ea lokileng a ka hlaha lapeng le tsoakaneng joang?

7. Temana ea 16.

- a. Mona re na le qetello ka mokhoa oa lebaka. Molimo o laela sechaba sa hae hore se ts’epahalle basali ba bona. Hobaneng? **“KE HLOILE TLHALO.”** Hona ke lona lebaka, ebile e le qetello. Molimo o hloile tlhalo. Ke ntho e **“mpe”** (hlokomela polelo ena **“O APESA KOBO EA HAE”** ke ketso ea ho phatlalatsa motho ea itseng ho ba mosali oa hau: sheba Ruthe 3:9 3:9).
- b. Re ka boela ra bitsa ntlha ena qetello hobane e behuoe ka mokhoa o matla. Hlokomela hore taba ea **“IPONELENG HLE MEENG EA LONA, LE SE KE LA ETSA KA BOLOTSANA”** e phetoa temaneng ea 16 le ea 17.

BOITHUTO BA BIBELE III

c. hobaneng Molimo a pheta tlhokomeliso ee?

- 1) E phetoa ho hlakisisa le ho bonts'a qetello.
- 2) Mantsoe **“KE HLOILE TLHALO”** a behiloe pakeng tsa lipolelo tsa phetako, kahoo, hlakisoa ka ho phetoa.

Notes

—

B. Lethathamo la Khaeho le Tlhophiseho ea Karolo ea #4 (o sebelisa lethathamo, qholotsa baithuti ho fumana kamano ea likarolo).

1. Selekela: Bothata bo akaretsang (tem. 10).
2. Bothata bo khethehileng (tem. 11-15).
 - a. Bothata ba #1 (tem. 11).
 - 1) sehlahisoa sa bothata (tem. 12).
 - b. Bothata ba #2 (tem. 13).
 - 1) Lebaka la bothata (vs. 14).
 - c. Phapano ea bothata (tem. 15a).
 - d. tlhokomeliso bakeng sa ho qoba bothata (tem. 15b).
3. Qetello (vs. 16).
 - a. Molimo o hlakisisa le ho tebisa ntlha (tem. 16a).
 - b. Tlhokomeliso e ea phetoa (tem. 16b).

C. Qetello ea Karolo ea #4.

1. Lintlha le mehopolo e qetellang.
 - a. Ho hloka tumelo, ke sera sa selekane. Molimo o tiisa haholo ha a bua ka ho ts'epahalla lilekane.
 - b. Ho nyala kante ho tumelo ho etella ts'enyole le timelo pele.
 - c. Bolokolohi ba rona ho Molimo bo timetsoa ke ha selekane se rojoa.

BOITHUTO BA BIBELE III

Notes

—

- d. Molimo o hloile tlhalo.
- e. Mooko-tabane o kopanyang karolo ea 2:1-9 le ea 2:10-16, ke khohlano e pakeng tsa thahasello ea Molimo ea hore lilekane li se rojoe, le tloaelo ea Israele ea ho li roba.

Ntlha ea Puisano

Tse ling tsa lilekane tse bophelong ba hau ke li fe? Na u oa litsotella?

- 2. Polelo e akaretsang – Molimo o biletsa batho tumelong le ho khutlela seleaneng.
- 3. Sehlooho – ho tloha ho se lumeleng ho ea seleaneng.